

Վ. ԵՅԵՆԻՈՐԻ ՏԱՐԻ

ՄԵՆԿ

Տարեկան գինը 7 ռուբլ. կես տարվանը 4 ռուբլ.:

Թիֆլիսում գրվում են խմբագրատանը, պ. Մատուրեանի և

Արախանեանի խանութում

Օտարաբաղադրյալ գրվում են ուղղակի

Тифлис. Редакция „Менк“

Խմբագրատանը գնացե՛ք և առնե՛ք 10—2

(Բացի կիրակի և տոն օրերից):

Յայտարարությունները ընդունվում են ամեն լեզուով:

Յայտարարությունների համար վճարում են

խաբանչիկը բառին 2 կոպեկ:

Ամիս 4-ին Նորին Կայսե-
րական Բարձրութեան Վ. Լ. Ե.
ԴԻՄԻՐ ԱԼԻ-ՔԱՆՆԻՐՕ-
ՎԻԶԻՐՈՂԻՆ ԱԼԻ-ՔԱՆՆԻՐՕ
ՎԻԶԻՐՈՂԻՆ Ի ՏԵՐ
փոխեցաւ ծանր հիւանդութենից
յետոյ:

ԲՈՎԱՆՎԱԿՈՒԹԻՒՆ

Հայոց ընտանիքի պատկերը—Ն. Երբին աւ-
տովիւն. Նամակ երեսնից: Նամակ խմբա-
գրին. Ներքին լուրեր: Արտաքին աւտով-
իւն. Թիֆլիսի. Անգլիայի. Գերմանիայի. Նա-
մակ Գերմանիայից: Նամակ Պարսկաստանից:—
Խ ա ու Ն լ Ս լ Ե Ր:— Յայտարարություններ:

ՀԱՅՈՑ ԸՆՏԱՆԻՔԻ ՊԱՏԿԵՐԸ

Եթէ ուշադրութեամբ հետա-
զօտե՛ք մեր հայոց ընտանեկան
կեանքը, կը համոզվե՛ք որ մեր ըն-
տանիքի կազմակերպութեան հիմ-
նական սկզբունքները կայանում են
երկայթապէս ամենախիստ բա-
րոյականութեան վրա:

Եւ ճշմարիտ, բայց երկայթի,
ծնողները քարոզում են իրանց երե-
խաներին, նրանց ամենամատաղ
հասակից՝ ազնւութիւն և բարոյա-
կանութիւն, ի հարկէ անգաղար
իրանց սեփական անձը զաւակնե-
րին որպէս բարոյականութեան,
ազնւութեան և սրբութեան օրի-
նակ դնելով: Եւ նշանաւոր է որ
այդ անում է իր ընտանիքներում
մեր բոլոր հասարակական դասա-
կարգերին պատկանող հին սե-
րունդը:

Երեխան, և երկար ժամանակ
երիտասարդը, համոզված է լինում
որ հին սերունդը իր անհասա-
նելի, անմատչելի օլիմպիական ամ-
պերի վրա նստած անսխալական
սրբութիւն է....

Երիտասարդը հասակ է առնում,
փորձվում է, — և նոր է սկսում
հասկանալ այդ իրան տուած (գտնե՛
լիս) խիստ բարոյական դաս-
տիարակութեան գաղտնիքը, համե-
մատելով խօսքերը գործի հետ....

Եւ ինչ է տեսնում նա՝ երե-
խայութեան ժամանակ հին սե-
րունդից նրան քարոզած սրբու-
թիւնը, բարոյականութիւնը և ազ-
նւութիւնը ուրիշ բան չէր, եթէ
ոչ մի միջոց, մի գէշ բռնաւո-
րութեան ձեռքում՝ քնացնել նոր
սերունդի մէջ քննադատութեան
ոգին, մեղցնել անձնապաշտպա-
նութեան ձգտումները, զարձնել
իր զաւակից կրաւորական, համ-
բերող էակ, որպէս զի ապագա-
յում իր համար պատրաստի հե-
ղութեամբ և հնազանդութեամբ
ամեն կամայականութիւն, բռնա-

ւորութիւն և ճնշում տանող հը-
րէշ:

Հայոց ընտանիքը, երկար ժա-
մանակ մահմետականութեան ազ-
դեցութեան տակ դանդաղելով, ըն-
դունել է այդ ասիական, պարս-
կական բռնաւորութեան ոգին և
գործունէութեան եղանակը:

Մահմետականութեան մէջ հո-
գեւոր կամ մարմնաւոր իշխանու-
թեան ներկայացուցիչը քարոզում
է ժողովրդին անպայման բարո-
յականութիւն, հնազանդութիւն,
անձնուիրութիւն, ազնւութիւն,
անձնուրացութիւն այն աստիճան,
որ կատարելապէս կրաւորակա-
նացնում է մարդուն, — և այն ժա-
մանակ նա հասաւ իր նպատակին՝
կրաւորական, ստորացրած, բթա-
տրած, ամեն տեսակ հեղինակու-
թիւն, ամեն տեսակ իշխանու-
թիւն անպայման անսխալական
համարող մահմետական ամբողջ
երբէք չէ համարձակվի որ և է
բան կասկածել, քննադատութեան
տակ ենթարկել: Նա կը համբերէ
ամեն տեսակ ճնշում և բռնաւո-
րութիւն և երբէք չէ նկատի որ
և է պակասութիւն նոցա մէջ,
որոնք քարոզել են նրան բարոյա-
կանութիւն և ազնւութիւն: Իսկ
եթէ կը նկատի էլ, — այնքան կրա-
ւորական է դարձած, որ չէ հա-
մարձակի բողբոջել, որովհետեւ ան-
հնազանդութիւնն էլ անբարոյա-
կանութիւն է համարում:

Նա նոյն իսկ այդ մահմետա-
կան ոգին մտած է մեր հայ-բրի-
տոնեայ, մահմետական ոգով սըն-
ված ընտանիքը:

Մեր հին սերունդը գործ է
դնում իր ընտանիքում այդ ասիա-
կան բռնաւորութեանը յատուկ
խորամանկ և ճարպիկ դաստիա-
րակութեան միջոցը:

Նա ստորացնում է, ստրկաց-
նում է, կրաւորականացնում է նոր
սերունդը, նրան իբրեւ թէ խիստ
բարոյականութեան վրա հիմնված
անպայման հնազանդութիւնը քա-
րոզելով, որ երեխաները չը կարո-
ղան որ և է քննողական ձրգ-
տումն ունենալ: Նա քարոզում է
այն աստիճան կուրօրէն հնազան-
դութիւն, իբր թէ բնագնաւոր բա-
րոյական սկզբունքների և մինչև
անգամ աւետարանի ճշմարտու-
թեան վրա հիմնվելով, որ երեխան
չը կարողանայ նկատել նոյն իսկ
քարոզողի, բարոյական իրան ցոյց
տուող հին սերունդի խորին ան-
բարոյականութիւնը: Նա
աշխատում է մինչև այն աստիճան
քարոզել ազնւութիւնը, որ հասց-
նելով իր զաւակին պարզ, միա-
միտ, իղէպալական ազնւութեանը,
ապահով կարողանայ լինել որ այդ

պարզ, միամիտ, իղէպալական ազ-
նիւ էակը երբէք չէ կասկածի նոյն
իսկ այդ տեսակ ազնւութիւն քա-
րոզողի մէջ խորին անազնւու-
թիւնը:

Մի և նոյն ժամանակ մեր հին
սերունդը այն աստիճան հնազան-
դութեան զգացմունքը արմատաց-
նում է զաւակների մէջ, որ երե-
խան հասակ առնելով, երիտասարդ
դառնալով, — եթէ նկատէ էլ հին
սերունդի մէջ անբարոյականու-
թիւնը, զգայ էլ իր վրա նրա
հարստահարութիւնը, — երբէք չէ
յանդգնի, մինչև անգամ անբարո-
յականութիւն կը համարէ բողբո-
քել այդ անազնւութեան կամ ան-
բարոյականութեան դէմ, որովհե-
տեւ նա կրաւորական է դարձել...

Այսպիսով մեր հին սերունդը
հասնում է իր ընտանիքում նոյն
հետեւանքներին, որոնց մահմետա-
կանութիւնը, որից նա ունել է այդ
բռնաւորութեան ճարպիկ միջոց-
ները, հասնում է ամբողջ կառա-
վարելու գործի մէջ: Նա այն աս-
տիճան աշխատում է իղէպալական
կերպով բարոյականացնել նոր սե-
րունդը, որ այդ վերջինը չը նը-
կատի, չը կասկածի անգամ հին
սերունդի ամենասարսափելի ան-
բարոյականութիւնը, մի և նոյն
ժամանակ այն աստիճան կրաւո-
րականացնում է նրան, քարոզելով
նոր սերունդին անպայման հնա-
զանդութիւն, մինչև անգամ իր
նպատակների համար կրօնական
զգացմունքը գործածելով, որպէս
կատարեալ հնազանդեցնող միջոց,
որ եթէ նոր սերունդը նկատի էլ
իր դաստիարակող խորին անբա-
րոյականութիւնը, անազնւութիւնը
և զգայ էլ իր վրա նրա հարստա-
հարութիւնը, — չէ յանդգնի բողբո-
քել, պատերազմել:

Իսկ ինչով է վերջանում, ինչ
հետեւանքի է հասնում այդ հայոց
ընտանեկան գեղեցիկ դաստիարա-
կութիւնը....

Նոր սերունդը համոզվելով որ
սուրբ, անսխալական, բարոյական,
ազնիւ կարծիքով հին սերունդը այդ
յատկութիւններին բոլորովին հա-
կաւակ յատկութիւններ ունի, և
մի և նոյն ժամանակ չափից դուրս
կրաւորական լինելով որ քաջու-
թիւն ունենայ բողբոքել, պատե-
րազմել, — մեծ մասամբ վերջը ինքն
էլ նոյնքան անբարոյական, անազ-
նիւ, հարստահարող է դառնում
որքան և հին սերունդը:

Նա՛ հետեւանք....

Եւ կամենում է, որ մեր հա-
սարակութիւնը առաջ գնայ, զար-
գանայ, լուսաւորվի ունենալով այդ
տեսակ զգովելի, մահմետական խո-
րամանկ, պարսկական բռնաւո-

սկզբունքների վրա հիմնված և
իրան քրիստոնէական միայն ա-
նուանող թշուառ ընտանեկան
կազմակերպութիւնը....

Գ. Ա.

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԵՐԵՒԱՆԻՑ

13 մարտի 1877

Եթէ թշու կը տրուի ինձ, ես կամենում եմ մի
կարճ նամակ նուիրել այս տարուայ երեսնի
թուրքերի տօնած բայրամի առթիւով, որը հա-
մեմատելով անցեալ տարիների հետ կարծես
այս վերջինը կրում է իւր վերա աւելի շքեղ
պատկեր: Ամառս 9-ն երեկոյեան քաղաքի հրա-
պարակի վերա հրախաղութիւն էր ի պատիւ
բայրամի, բաւականաչափ վառօգ դրեթէ երկու
ժամ զղրկեցնում էր երեսնի միջնորդը: Առա-
ւոր բոլոր մահմետական տարրը ուրախութեան
մէջ էր, թուրքերը խմբի կազմած, միմեանց տուն
այցելելով շորհաւորում էին բայրամը. խանութը,
բեղերը որպէս թուրքերի առաջնակարգ ան-
ձինքը, եթէ դոցանից մինը մինչև շինքն էլ
պարտքի մէջ խրուած լինի, այնու ամենայնիւ
այդ օրը նորա ակտիւ կարող է դուրս գալ մի
աշխարհ նոյն իւր ակտիւ ցանկացած տները
այցելութիւն տանելու: Սակայն հետաքրքիր է
նայել որպէս արշաւում է այդ գեղեցիկ և հը-
պարտ անասունը և ինչ ինքնահաւան դիրք ունի
բռնած նորա վերա արեւելքի իշխանը: Առա-
ւորակ բայրամի օրերը սովորութիւն է դարձած
որ մերձակայ գիւղերից գումարվում են քաղաքը
փախչելուները, (մենամարտողներ), իւրաքան-
չիւր փախչելուս ունի իւր խումբը որին պատկա-
նում է ինքը անդրադառնալ. տեսնում ենք զանա-
զան խումբեր գիւղացիներ, զոյգ առաջից վե-
հանաճաքաւ շարժողը՝ այդ խմբի շէրքուկեան է.
բայց ինչ պատկեր է ներկայացնում մենամար-
տութիւնը զա արդարեւ նկարագրել արժանի է
և գուցէ գործնով հետաքրքրուէին շատերը:
Նախ քան խօսելը դրա վերա, պէտք է չը մո-
ռանալ որ երեսնի փախչելուները առաջ քան
բայրամը վաշտում են անդադար կերակուր-
ներ, հոռու են մնում Քինչև անգամ ամուս-
նու անեղծից որպէս զի աւելի այժ և զօրու-
թիւնը կերպնացնեն իրենց մէջ: Մենամարտու-
թեան բնուէ ներկայացնում է մի տափարակ տեղ
կամ մի կանաչարոյս մարգագետին, ուր առանց
տոմարակ ամենքը իրաւունք ունեն ձրի նայել:
Չուռնան մենամարտութեան համար որոշած
եղանակը սուղելով քիմաց է տալիս այդ թատ-
րօնի վարագործի շուտով բացուելը: Ինքն մի ըն-
դարձակ հրապարակ լինելով դրա շուրջը կանո-
նած են հանդիսատեսներ, գիւղական խմբեր
իւրաքանչիւր կանգնած է իւր փախչելուի դրօ-
շակի տակ: Մի կարճ արմուկից յետոյ տեսնում
էք բնով վերա երկու հաստամարմին պարմներ
գրեթէ մերկացած հագուստից, դրա իսկոյն չին
յարձակվում միմեանց վերա այլ հրապարակի
շուրջը տալիս են չըջանալ կատարելով մի քանի
մարմնամարտական շարժողութիւններ, որից յե-
տոյ մեր հերոսները փաթթվում են միմեանց:
Այժմ հետաքրքիր է նայել թէ ինչ միջոց և հը-
նարք նորա գործ են դնում միմեանց գետնին
տապալելու, վնաս նորա օրի թիկունքը գիւղում
է գետնին, փառք նորա օրը կատարում է այդ
յաղթութիւնը:

Ա. Եր.

ՆԱՄԱԿ ԽՄԲԱԳՐԻՆ

Թիֆլիս, 15-ին մարտի

Պ. Խմբագիր. ձեր պատուական լրագրի № 16
մէջ կարդացի մի յօդուած, որով հրատարակել

էր մարտի 2-ին անցըր, որ պատահեց ինձ հետ ոչ հեռու թիֆլիսի պոլիցիայից վերադարձելով ինձ ատրճանակով դուրսը Սարգիս Պապովը որոյ պատճառն, որպէս զուրկ լինել էր հեղինակային ուստին իմ կողմից իւր վարձը, մօտ 3000 ռուբլի, որ նա պարտ էր իբր ստանալ ինձանից Մօզնու եկեղեցւոյ ուսումնարաններ շինութեան համար, իմ երեւոյթութեան ժամանակը:

Որովհետեւ ինձ ատրճանակով վերադարձելով պատճառը ստատիկ աղճատած է այս յօդուածումը, վստիկորէ ճշմարտութիւնը վերականգնելու համար շտապում եմ բացատրել իսկական իրողութիւնն զորոնց:

1874 և 1875 թուականներ, երբ ես երեսփոխան էի թիֆլիսի Մօզնու եկեղեցւոյ, ձեռնարկեցի շինութեան երկու ծխական երկուսն ուսումնարաններ, նմանապէս լայնացնելու և Մօզնու քուէն: Այս բոլոր շինութիւնների կառարեքը յանձնեցի ես կապով (փողով) որպէս փող-բառակի թիֆլիսական դուրսը Սարգիս Պապովին, որի հետ և կապուեցայ երեք կապաներով: Փողերի մուտքի և ծախքի համար ստացայ Կոնստանտնուպոլիսի մի ժապաւնեալ մատեն: Շինութիւնի ժամանակը այս մատենումը գրում էի արած ծխարը մասը մանր: Սայպէս որ երբ Պապովը առաջին ստացած մասը ծախս էր առնում շինութեան վերա, և ես երբ ստուգում էի այս առած գումարի արած ծախսը, այնուհետեւ տալիս էին նրան երկրորդ մասը կանխապէս, ստորագրել տալով ամեն անգամ Պապովին մատենումը ստացած մասը դրամոց, և այս օրինակով շարունակեցաւ շինութիւնը մինչև ի վերջը: Պապովը չունէր իւր անձնական գումար շինութիւնը շարունակելու համար, և մինչև չէր ստանում ինձանից մի մասը գումար դրամոց, չէր կարողանում գործը առաջ տանել: և իսկոյն դադարեցնուած էր շինութիւնը: Այս կարգը լաւ հասկանալի է այն անձանց, որք շինութիւն են ունեցել այսպիսի դուրսը կամ կալատողի ձեռքով: 1875 թւին բոլոր շինութիւնները վերջացան, Պապովի հետ բոլոր հաշիւներս աւարտեցի, և ապա հաշուաւարտեմը իւր բոլոր պատկանելի գումարներով ներկայացրի տեղական Կոնստանտնուպոլիսի: Երբ որ ամեն շինութիւնները արդէն լրացած էին և մենք մեր մէջը բոլոր գրամական հաշիւները վերջացուցինք, այն ժամանակը 4-ն օգոստոսի 1875 ամի տուեց Պապովը ինձ մի առանձին ստորագրութիւն որպէս վերջնական ապահովագիր գրականապէս, որով նա հաստատում է թէ ստացել է ինձանից լրովին երեք կանխապէս զօրութիւնով բոլոր իւրեան հասանելի գումարը, որ և այս ստացածները ստորագրած ունի նա մատենումը, և թէ նա այնուհետեւ ոչինչ պրեկտիւրայ չունի ինձ հետ: Այս գովումներս այժմ գտնուում է ինձ մօտ, և ունեւ ներկայացնել իւր ժամանակին ուր հարկն է: Այս գովումներս որպէս ընթերցողը կը նկատէ՝ տուել է ինձ Պապովը ոչ թէ որպէս ստացական գրամոց, (որովհետեւ որս համար կար առանձին ժապաւնեալ մատեն) այլ որպէս ապացոյց թէ մեր մէջը ամեն գրամական հաշիւները վերջացան և այլ ես ոչինչ պրեկտիւրայ չունի ինձ հետ:

Երբ որ մեր հաշիւները վերջացած էին և մատեններ իւր գովումներսով ուղարկած էի ես ի Կոնստանտնուպոլիս: մի անգամ եկաւ ինձ մօտ Պապովը և յայտնեց թէ նա վերադարձել կապումը կրեց զիման մօտ 3000 ռուբլի, և ակնուախ խօսքերով շարժելով իմ կարեկցութիւնը իւր թըշուաւ միջակի վերա, խնդրեց միջնորդել ուր հարկն է տալ նորան վարձատրութիւն ինչ գրամական: Չիմանելով Պապովի խնդրին, բայց միւս կողմից կամենալով ճշիւ ստուգել հիմնարարութիւնը նորա գանգատանաց, ես յանձնեցի նորան չինել նախաջախ և ցուցակ շինութեան վերա գործածած մասաւրանների և ուստաներու վարձի: Սարանից յետոյ որպէս էկապերս հաւելրեցի ինձ մօտ քաղաքիս մէջ յայտնի բարելորդ և գործոյն տեղեակ ուստաներ ուստաբաշի թէջ Նազարովին և միւս ուստայ կալատող Գալուստին ստուգելու ներկայացրած Պապովից նախաշախիւ և ցուցակը:

Այս պատուելի ուստաները քննելուց յետոյ եկան այն եզրակացութեան թէ Սարգիսը շտապանջող դէպքերում կարող էր կրել զիման ոչ աւելի քան 800 ռ. և մինչև անգամ այս զիման չէ նկատուում: Չը նայելով սորան ևս խոստացայ Պապովին միջնորդել ուր հարկն է տալ նորան ևս 500 ռ. բայց նա չը համաձայնեցաւ և գնաց: Սորանից մի քանի ժամանակ յետոյ, ես լրացնելով իմ երեք տարուայ ժամանակը արձակուեցայ երեսփոխանական պաշտօնից: Անցեալ տարի մի անգամ Պապովը եկաւ ինձ մօտ և յանդուգն

կերպիւ սխեց պահանջել ինձանից ոչ թէ 3000 ռ. այլ 800 ռ. իբր թէ այս փողը պատկանում է նրան որպէս ն է ու ս օ յ ի կ ա յ (տուգանք): Այսպիսի յանդուգն և ապօրինի պահանջը ստիպեց ինձ ցոյց տալ զուրկ Պապովին: հրաւիրելով նորան պահանջել ինձանից այսպիսի նէստատոյկան դատաստանով: Սորանից յետոյ Պապովը ժամանակ առ ժամանակ պատահելով ինձ ձանապարհին յանդուգնաբար յայտնում էր ինձ իւր պահանջը (և թէ կարելի է իրաւացի համարել): Բայց նա ոչ երբեք այսպիսի պահանջներ չէր յայտնում օտար վիաների առջև: և միշտ աշխատում էր և որոշում էր այնպիսի բազմեր, երբ ես լինում էի բոլորովին միայնակ: և այն ժամանակը նա միայն մօտենում էր ինձ՝ արդէն յայտնի և ապօրինի պահանջներով և երբեմն խնդրեցներով: Լաւ գիտեմալով, որ նա շտապանջող գործերումը կորցնելով իւր բոլոր կարողութիւնը մինչև հասել էր այս աղետալի դրութեան, և ունենալով ի նկատի, որ վերջին տարիներումը մեր քաղաքումը շատերը գործ են ածում փողերի դուրս քաշելու յանդիմութիւնով և ահ ու երկուց տալով, ես կարծում էի թէ Պապովը նայում է իմ վերա, որպէս ճարտար մարդու վերա, որ կարող է իւր հանգստութեան համար հանել նորան բաժին իւր կարողութիւնից: Այս պատճառով ես չէի կարող չը համարել Պապովին այսպիսի նորա անելը գրութիւնիցը ստորագրած բարոյապէս խոնարհուած թախանձելու ոգորմութիւն:

Փետրվարի կէսին ստացայ իմ տանու ծառայի ձեռքը յանձնած նրան անձանքով մարդուց իմ անունով ստորագրի մի նամակ, որի մէջ նամակի անյայտ հեղինակը սպառնում է ինձ մահ գիշեր կամ ցերեկ, եթէ չեմ վերջացնել հայելը այն ուստի հետ, որ ես իբր պարտական եմ: Նամակագրի մասին այլ ես չէի մտած ոչինչ կասկած: —սա էր իմ ծանօթ Պապովը, որ և չը թողեց իւրեան երկար սպասելու: Ամեն օր նամակի ստանալուց յետոյ սպասում էր իմ տան մօտ և ամեն ուրեք, ուր և գնում էի հետս էր պատում բաւական հեռու ինձանից: Այս հանգամանքը ստիպեց ինձ 18-ն փետրվարի դիմել պարոն ստարչի Պօլիցէյմէյստարին գաղտնի գրաւոր յայտարարութիւնով, ներկայացնելով նայն իսկ ստացած նամակ, խնդրելով առնել կարգադրութիւն առ ի ապահով պահել իմ անձը ապագայ վտանգից: Պարոն Պօլիցէյմէյստարը, որպէս երեսնակ, չէ տուել օրինաւոր ընթացք այս իմ յայտարարութեանը, և ոչքն չով չէ կարողացել զգուշացնել չարագործին, որը յանդուգնեցաւ իւր սպառնալիքը իրագործել մարտի 2-ին: Այս օրը Սարգիս Պապովը ստիպար սպասում էր ինձ քուէումը, երբ ես անցնում էի մօտեցաւ ինձ, առաջարկեց մի թուղթ, կամենալով, որպէս երևում էր դադարեցնել ինձ կարողալով, և այն ժամանակը աւելի յարմար արձակել ատրճանակը: Բայց չըդուներցի այն թուղթը, յետոյ չարագործը հանելով իւր պալտով տակից ատրճանակը ուղղելով դէպի ինձ արձակեց, և նա տեսնելով որ ես վաղը չընկայ, աշխատում էր երկրորդել ատրճանակի արձակելը: նոյն ժամին անկաջ նորա վերա երկու ձեռքով, ըմբռնեցի որպէս նորա ձեռները նմանապէս և ատրճանակը, մինչև հասնու ինձ օգնութիւն ճարտարապետը (Սիմիովը, որ և իսկեց դաւաճանից ատրճանակը, և տարան նորան պօլիցիա:

Ճշմարտութիւնը այս իմ խօսքերի Պապովի հաշի մասին, այլ և պատճառը, որ ստիպել է նորան առնել այսպիսի չարագործութիւն վնասաւոր կը լինի և կը քննէ օրինաւոր դատաստանը: Գտնում զի դատաստանական իշխանութիւնը, կը որոնէ Պապովի դրողներին և կը յայտնագործէ նոյա չարութեան խորհուրդը: Արդոյ խմբագիր, ինչ որ կը վերաբերի իմ անձնաւորութեանը, որ զուր նկարագրել էք ձեր գրչի յատուկ գայեցողով, այդ մասին ես պարտաւորութիւն կը համարեմ իմ հորհակալութիւնը մատուցանել ձեզ առանձին նամակաւ, կամ անձամբ տեսութիւն անելով, յայտնել ձեզ ըստ արժանայն իմ մտերմութիւնը:

Վասիլ Խօջայեանց

ՆԵՐՔԻՆ ԼՈՒՐԵՐ

ՔՈՒԹԱՅԻՍԻՑ մեզ գրում են՝ «Ձեր լրագրի № 16-ի մէջ ներքին լուրերում հաղորդված էր Բոլթալիսի որ տեղի ուսումնարանի նոր հողաբարձութեան հաստատման թուղթը նոյն լուրեր ամից մինչև այժմ դեռ չէ ստացված և որ

հասարակութեան մէջ կասկածներ կան հայր Գալիթ Եարաբեկի վրա: Այժմ ճշմարտութիւնը վերականգնելու համար, ես որպէս զարմիր մերձաւոր անձն, պարտաւորութիւն եմ համարում յայտնել հրապարակաւ որ երբ մենք դիմեցինք տէր հօրը այս առարկայի վերաբերութեամբ, հարցնելով թէ ուր մնաց հողաբարձութեան ընտրողական թուղթը, նա մեզ պատասխանեց թէ ուղարկել է հաստատելու, բայց թէ ինչ պատճառով ուշացրին, այդ իրան անյայտ է: Այժմ նորից հարցրի տէր հօրից, և նա ինձ ցոյց տուեց մի գործ հետեւալ վերնագրով՝ «գործ յաղապս ընտրութեան հողաբարձութեան երկուսն ուսումնարանաց մերոց քաղաքիս Բոլթալիս», որից երեւցաւ որ նա նոյն 1876 թվ. նոյեմբերի 23-ին, այսինքն ընտրութեան երկու օրից յետոյ ուղարկել էր ընտրութեան թերթը 198 համարով թեմական վերաբերուող Տէր-Յովնանիան, որ սա ներկայացնէ հաստատութեան համար որոնց հարկաւոր է, բայց մինչև այժմ պատասխան չէ եկած:»

Մարտի 15-ին երեկոյան թիֆլիսի գիւղատնտեսական ընկերութեան դահլիճում կայացաւ առաջին նիստ «Կոնստանտնուպոլիսի կենդանիների ապահովութեան» հիմնադրների: Մանրամասն կարդացվեցաւ անասնաբույժ պ. Մեռնչևսու գրած պրոէկտը այդ ընկերութեան կանոնադրութեան, և այդ պրոէկտի մէջ մի քանի փոփոխութիւններ անելուց յետոյ ներկայ գտնվեցաւ վերջնական կերպով մշակել կանոնադրութիւնը, ներկայացնել նրան կառավարութեան հաստատութեանը և ձեռք տալ ընկերութեան կազմակերպութեանը: Մասնաժողովի անդամները ընտրվեցան՝ պ. պ. Տալիպի, Վիպիանի, Մեռնչևսուի, Տրեպոպի և Բօլթալի և նրանց կազմակերպողները՝ պ. պ. Սօֆիանօ, Վայդից և Ճէրլիսի: Այս ընկերութեան անդամներ կարող են անխախտ լինել մարդիկ և թէ կանայք լինել, երեք բոլոր տարեկան վճարով:

Մարտի 13-ին թիֆլիսի թատրոնում պ. Արգարեանից տուած ասիական կոնցերտից գոյացաւ ընդամենը 325 ռուբլ. և 20 կօպէկ մուտք, որից զուրս գալով թատրոնի վարձ 100 ռուբլ. զինուորական երաժշտութեան վարձ 25 ռուբլ. կոնցերտին մասնակցողների վարձ՝ 40 ռուբլ. և այլ մանր ծախսեր 56 ռուբլ. 20 կօպ. բնագումին ծախս եղած է 221 ռ. 20 կօպ. ուրեմն զուտ արդիւնք մնաց 104 ռուբլ. Այդ գումարից պ. Արգարեանը մի երրորդական մասը նուիրելով յօդուած հրդեհից փնտրված վանեցիների, յանձնեց մեր խմբագրութեանը 34 ռուբլ. և 67 կօպէկ, որ գումարը պէտք է իր նշանակութեանը հասցնել:

ՕՐՏԱԿԻՆ ՏԵՍՈՒԹԻՒՆ

ԹԻՒՐԿԻԱ

Ռուս «ГЛОС» լրագիրը հաղորդում է որ Կ. Պօլսում խռովութիւնները շարունակում են ժողովրդի մէջ: Քանի մի օր սրանից առաջ սօֆիաների զինաւորված խմբերը շրջապատեցին նախ միմիաստութեան շինութիւնը, իսկ յետոյ դիմեցին դէպի պալատը, պահանջելով որ այժմեան մի քանի միմիաստներ հեռացրած և հրամարեցրած լինեն իրանց պաշտօններից, իսկ Միհմաթ-փաշան կրկին յետ կանչված լինի Բաղդաթի կալանաւորութիւններ են կատարվում: Ամեն րօպէ երեան են գալիս զանազան պրօկրամացիաներ թէ մեղսներ, թէ փողոցների պատերի վրա կայցած: Նոյն լրագիրը հաղորդում է որ թիւրքաց տէրութիւնը պատերազմական մեծ պատրաստութիւններ է տեսնում: —Թիւրքաց պարլամենտը բացվելով, առաջին նիստում կարգադրեցաւ սուլթանի գահի ճառը: Այդ ճառը կարգաւ սուլթանի առաջին քարտուղարը: Պարլամենտի բացմանը ներկայ էին բոլոր միմիաստները, քաղաքական և հոգեւորական կոչման բոլոր բարձր աստիճանաւորները, սենատորները և օտար պետութիւնների ներկայացուցիչները, բայց զերմանական

և ուսաց ներկայացուցիչներից, որոնք իրանց տեղ ուղարկեցին իրանց թարգմաններին: Թիւրքաց սենատի նախագահ նշանակեցաւ Սէրվէր-փաշա: Անաստորների թիւը 30 է, որոնցից 23 մահմեականներ են և միայն 7 ոչ-մահմեականներ, այն է՝ երկու հայ, երկու հրեա, երկու յոյն և մի բօլգարացի: —Մեզ գրում են Կ. Պօլսից որ Փարս-Ասիայի թուրք երկրորդը ազգաբնակչութեան բաւական մեծ մասը փախչում է զինուորադրութիւնից: Թիւրքաց տէրութիւնը այժմ գաղտնի բանակցութիւններ է տեսնում քուրդ ցեղերի պետերի հետ, որ նրանք զօրք տան իրան: Ասում են որ այդ զինուորութիւնը իրազորվում են: Արեւմ. թիւրքաց տէրութիւնը զինաւորում է քուրդներին, որոնք աւելի էլ անխնայ կը ճնշեն թէ հայ, թէ թուրք խաղաղ երկրագործ գաւառ: —Պոլսի հեռագրական ընկերութիւնը հաղորդում է Լօնդօնից որ Քէհրմանի ստացած լուրերին նայելով Փարս-Ասիայում շատ զօրք է կենտրոնացած: Թիւրքաց տէրութիւնը անդադար մօտեցնում է իր զօրքերը Կովկասի տահմաններին: Այդ զօրքի թիւը հասնում է այժմ 50,000-ի, բայց Բատումի մէջ կենտրոնացած 12,000-ից և Արթուրի մէջ 6000-ից: Դարում նոյնպէս զօրքի նշանաւոր քանակութիւն կայ:

ՍԵՂԱԻՍ

Վերջին հեռագրերը որոնք Լօնդօնից անցեալ օրերը ստացված էին, բաւական յուսահատական էին: Պատերազմը երեւում էր անխախտ, Ռուսաստանի և Անգլիայի մէջ արեւելեան խնդրի վերաբերութեամբ կազմված պրօթօկօլը (արձանագրութեան) ստորագրութեան մէջ անհամաձայնութիւններ յայտնվեցան երկու պետութիւնների մէջ: Փողի կուրսերը եւրօպական բոլոր բօրանների վրա պատերազմի երկրորդ սկսեցին իջնել: Այժմ կրկին ստացվեցան նոր հեռագրեր հանգստացնող բովանդակութեան: Անգլիական տէրութիւնը զինաւորութիւն ունի նոր պրօթօկօլ կազմել արեւելեան հարցի վերաբերութեամբ: Կազմված է մի և նոյն ժամանակ որ Ռուսաստանն էլ յօժար է նորից սկսել Անգլիայի հետ յարաբերութիւնները ուրիշ հիմքերի վրա պրօթօկօլ կազմելու համար: Ի՞նչ է այդ պրօթօկօլը, — դա դիպլոմատիական գաղտնիք է, ի հարկէ, և մեզ անյայտ է: Լօնդօնում բօրան կրկին շուէլ քաշեց, կուրսերը կրկին բարձրանում են, յուսալով թէ արեւելեան խնդրը խաղաղութեամբ կը վերջանայ:

Բայց մինչև որ եւրօպական պետութիւնները մտածում են Թիւրքիայի վրա, հոգում են Թիւրքիայի բարեկարգութեան մասին, աշխատում են մի վերջնական և խաղաղական կերպարանք տալ արեւելեան խնդրին: —այդ ժամանակ թիւրքաց պարլամենտը, ինչպէս հաղորդում է մեզ հեռագիրը, միաձայն յայտնում է թէ ընդգէմ է եւրօպական պետութիւնների Թիւրքիայի ներքին զործրի միջամտութեանը:

ԳԵՐՄԱՆԻԱ

Ընթերցողը յիշում է թէ Էլզա-Լօթարիւնիայի նահանգները ուղարկեցին զերմանական ազգային-ժողովը (Բայնտադ) մեծ մասամբ առւտուհիստ կուսակցութեանը պատկանող պատգամաւորներին: Նորերումն քննվեցաւ Բայնտադում մի նոր օրէնքի ծրարագիր, որի գօրութեամբ Էլզա-Լօթարին գիւղի համար հրատարակվող նոր հասարակական օրէնքները, պէտք է հրատարակվեն կայսրի կամով: Համաձայնութեամբ Բաշա-գրական Փարչի, բայց առանց Բայնտադի մասնակցութեան, և բացի սորանից եթէ հրատարակվող օրէնքներին իր հաւանու-

Խմբագիր — հրատարակող ԳՐԻԳՈՐ ԱՐԾՐՈՒՆԷ